

18.6.2019.

Iskazana spremnost za međusobnu saradnju u cilju stvaranja što boljih uslova za poslovanje privrednih subjekata na prostoru BPK Goražde



U okviru posjeta privrednim subjektima, Vlada Bosansko-podrinjskog kantona Goražde, predvođena premijerkom Aidom Obućom, posjetila je juče firme „Okac“d.o.o. i GPD „Drina“ d.d. . Sastanku sa menadžmentom ovih firmi prisustvovala je i direktorica MPI „Mlin“ Ustikolina.

Tokom posjete razgovarano je o planovima ovih firmi u narednom periodu te mogućoj podršci Vlade BPK Goražde u njihovoj realizaciji.

Kada je u pitanju građevinski sektor u BPK Goražde, ocjena je da su u ovoj oblasti do sada postignuti veoma dobri rezultati, pogotovo ako se uzme u obzir stambena izgradnja u posljednjih nekoliko godina.



Kako je i prilikom ove posjete istaknuto, Programom rada Vlade i Skupštine BPK Goražde u ovoj godini planirano je donošenje Zakona o lokalnom poslovanju, kojim bi se dala značajna podrška privrednim subjektima. Takođe, razgovarano je i o donošenju novih zakonskih rješenja koja bi doprinijela stvaranju kvalifikovane radne snage za potrebe poslovanja privrednih subjekata na prostoru našeg kantona.

U konačnici, iskazana je spremnost kako Vlade BPK Goražde, tako i ovih privrednih subjekata na međusobnu saradnju sve u cilju stvaranja što boljeg ambijenta za poslovanje i život građana na prostoru našeg kantona.

Izvor: www.bpkg.gov.ba